

## Wat över dat on wat

aus „Nierst aktuell“, überarbeitet von Johannes Haverkamp

**Wenn er mesch frort, wat osser Allerweltwoot es,  
dann sin dat die Wööt wat on dat.**

Die Wööt kammer för alles jebroke,  
ut wat kammer wat maake, z. B. wenn ene jonge Boosch hierode well,  
dann mot hä sech wat sööke.  
On zwar en Weet, dat wat hätt, wat kann,  
wat vürstellt on wat mötbrengt.

On wenn hä so wat jefonge hät,  
dann hät hä janz bestemmt wat, nämlich wat för et Hetz,  
wat för et Jemöt on wat för et janze Läve.

On dann wöt Hochtied jefiert. Die dorf natürlich wat koste,  
domöt se och all sehnt, dat wat do es.  
Denn err wett jo, wo wat es, do kömmt jewöhnlich och noch wat dobee.

Dann jonnt se op Hochtiedsrees, die och wat kos.  
Äffer dofür süht ma och wat on erläft wat.  
Do kammer och wat koope, wat mer möt no Huus brengt.

Die Tied verjeht ...

Die Twei schaffe on dont wat, op emol erwade se wat.  
De Noberschaft hät natürlech all lang wat jemerkt, dat wat ene Jäng es,  
die sare schon seit Wäke, mer jlöve, die krieje wat.

On dann krieje se wat on dann hant se wat.  
On wenn dat Kenk em Bettche schreit, dann föhlt öm bestemmt wat,  
mestens wat vör tu ähte.  
Wenn et äffer emmer noch schreit, dann föhlt öm jewess wat angisch,  
velets hät dat wat jemäckt.

Später kömmt dat Kenk ene Scholl, domöt et wat liert on wat wött.  
On wenn dä Liehrer wat frord, dat et net wett oder dat et wat verkeet mäckt,  
dann krett et wat op de Fenger oder wat henge dropp.

Wenn et ut de Scholl kömmt, mot et wat dobee liere, domöt et wat kann,  
wat vördennt on wat es.  
Domöt et em Alder wat för te biete on wat te kaue hät.

Dat dat Kenk wat jewode es, dat wehte se all.  
Et es jood, dat et kenne Stronzbüll jewode es.

Dat alles wor wat över dat on wat.